АЖРИМ

(Даъво аризани кўрмасдан қолдириштўгрисида)

Каттақўрғон туман 2024 йил 19 март

Каттақўрғон туманлараро иқтисодий суди, судья Ж.Юсуповнинг раислигида, судья ёрдамчиси И.Улжаевни суд мажлиси котиблигида, Пахтачи туман прокурорининг даъвогар "Рўзикулов Ўткир Неъматуллаевич" фермер хўжалиги манфаатида жавобгар "Пахтачи кластер" масъулияти чекланган жамиятиганисбатан берган даъво аризаси асосида қўзғатилган иқтисодий ишни Каттақўрғон туманлараро иқтисодий суди биносида, очиқ суд мажлиси муҳокамасида, жавобгар вакили Ш.Рахимов (ишончнома асосида)иштирокида кўриб чиқиб, суд қуйидагиларни

аниклади:

Пахтачи туман прокурори "Рўзикулов Ўткир Неъматуллаевич" фермер хўжалиги(матнда даъвогар деб аталади) манфаатида Каттакўрғон туманлараро иктисодий судга даъво ариза билан мурожаат килиб, жавобгар "Пахтачи кластер" масъулияти чекланган жамиятидан 210 601 452 сўм асосий карз ва 34 538 605 сўм пеня ундиришни сўраган.

Иш муҳокамасининг вақти ва жойи тўғрисида тегишли тартибда хабардор қилинган даъвогар суд мажлисига келмади ва вакил(лар)и иштирокини таъминламади. Бундай ҳолатда суд, Ўзбекистон Республикасининг Иқтисодий процессуал кодекси (матнда ИПК деб юритилади) 170-моддасига асосан, низони даъвогар вакил(лар)и иштирокисиз кўришни лозим топади.

Суд мажлисида иштирок этган жавобгар вакили тарафлар ўртасида медиатив келишув тузилгани боис, даъво аризани кўрмасдан қолдиришни сўради ва судга тарафлар ўртасида тузилган медиатив келишувни тақдим этди.

Суд мажлисида иштирок этган жавобгар вакили томонидан судга такдим этилган аризага тарафлар ўртасида 2024 йил 19 мартда расмийлаштирилган медиатив келишув илова қилинган бўлиб, ушбу медиатив келишувни амалга ошириш учун тарафларнинг ўзаро розилиги асосида профессионал медиатор фаолиятини амалга ошришга розилик берган шахс Д.Тухтаева тайинлаган.

Ўзбекистон Республикаси "Медиация тўғрисида"ги Қонуннинг 15-моддасига асосан, медиация суддан ташқари тартибда, низони суд тартибида кўриш жараёнида, суд ҳужжатини қабул қилиш учун суд алоҳида хонага (маслаҳатҳонага) киргунига қадар, шунингдек суд ҳужжатлари ва бошқа органлар ҳужжатларини ижро этиш жараёнида қўлланилиши мумкин.

Тарафлар ўртасида 2024 йил 19 мартда низо бўйича медиация келишуви тузилган, келишув «Рўзикулов Ўткир Неъматуллаевич» фермер хўжалигираиси У.Рузикулов ва "Пахтачи кластер" масъулияти чекланган жамияти рахбари Б.Қўзиев ҳамда медиатор Д.Тўхтаева томонидан имзоланган.

1

ИПК 107-моддасининг 5³-бандига кўра тарафлар ўртасида медиатив келишув тузилган бўлса суд даъво аризасини кўрмасдан қолдиради.

Ўзбекистон Республикасининг "Давлат божи тўғрисида"ги Қонуннинг 18-моддаси 9-бандида, агар тарафлар ўртасида медиатив келишув тузилган бўлса, ариза кўрмасдан қолдирилганда, олдиндан тўлаб чиқилган давлат божи қайтарилиши белгиланган бўлиб, ушбу иш бўйича даъвогар манфаатида палата даъво берганлиги ва удавлат божи тўловидан озод этилгани боис, даъво ариза давлат божи тўловисиз иш юритувига қабул қилинган. Шу сабабли суд, иш бўйича давлат божи ундирмасликни олдиндан тўланган почта харажатини даъвогар зиммасида қолдиришни лозим деб топди.

Суд жавобгар вакилининг фикрини тинглаб, иш хужжатларини ўрганиб, тарафлар ўртасида медиатив келишув имзолангани боис, даъво аризани кўрмасдан қолдиришни лозим деб топди.

Юқоридагиларга асосан ва Ўзбекистон Республикаси Иқтисодий процессуал кодексининг 118, 107-моддасига ва 195-моддасига асосан суд

ажрим қилди:

Пахтачи туман прокурорининг "Рўзикулов Ўткир Неъматуллаевич" фермер хўжалиги манфаатида жавобгар "Пахтачи кластер" масъулияти чекланган жамиятига нисбатан берган даъво аризаси кўрмасдан қолдирилсин.

Олдиндан тўлаб чикилган 34 000 сўм почта харажати даъвогар зиммасида колдирилсин.

Ажримдан норози бўлган тарафлар Каттақўрғон туманлараро иқтисодий суди орқали Самарқанд вилоят судига бир ойлик муддат ичида апелляция тартибида шикоят қилиниши (протест келтириш) мумкин.

Судья

Ж.Юсупов

